

**Muhyiddin Lawat Singapura Isnin Dan Selasa  
Bernama  
October 21, 2011**

KUALA LUMPUR, 21 Okt (Bernama) -- Timbalan Perdana Menteri Tan Sri Muhyiddin Yassin akan melawat Singapura pada Isnin dan Selasa ini bertujuan mengukuhkan hubungan dan kerjasama antara dua negara berjiran itu.

Beliau dijadual mengunjungi Perdana Menteri Lee Hsien Loong dan mengadakan pertemuan dengan Timbalan Perdana Menteri Teo Chee Hean selain berbincang dengan Menteri Pelajaran republik itu, Heng Swee Keat, kata Wisma Putra dalam satu kenyataan hari ini.

Muhyiddin, yang juga Menteri Pelajaran, dijadual melawat Institut Pendidikan Teknikal, Lembaga Pelancongan Singapura dan loji pelupusan sampah Tuas.

Beliau akan diiringi isterinya Puan Sri Noorainee Abdul Rahman serta Timbalan Menteri Perumahan dan Kerajaan Tempatan Datuk Seri Lajim Ukin dan Timbalan Menteri Pelancongan Datuk Dr James Dawos Mamit.

---BERNAMA

Hakcipta© 2011 BERNAMA

Source: <http://www.bernama.com/bernama/v5/bm/newsindex.php?id=621489>